



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

1. Vndè habeatur pro certo, quòd vita sit futura aeterna.

urn:nbn:de:hbz:466:1-29452

C R E D O V I T A M

æternam.

C A P. XXXXVI.

A R G V M E N T A.

1. Undè habeatur pro certo, quòd vita sit futura æterna.
2. Quid sit propriè vita æterna.
3. Quomodo vita æterna differat à morte æterna.



Qvod credimus esse vitam post hanc, nō aliunde probare possumus, nec ex ratione naturali, aut libris Philosophorū, qui plerunque in hoc certant & dubitant, sed ex dictis Christi & scripturis sacris, & nisi hīc petatur cōfirmatio fidei istius articuli res vana erit: idē ex verbo DE I confirmatur fides istius articuli. Sic inquit Daniel 12. Euigilabunt alij in vitam æternam, &c. hīc nominat vitam æternam. Et Psal. 21. Laudabunt Dominū qui requirunt illum: uiuent corda eorum in seculum seculi Esai. 65. Ecce ego creo cœlos nouos, & terram nouam, & non erūt in memoria priora, & non ascendent super cor, sed gaudebitis & exultabitis vsq; in sempiternum in his quæ ego creo. Et Christus Ioā. 3. Sic pater dilexit mundum, vt filium suum vnigenitum daret, vt omnis qui credit in illum, non pereat, sed habeat vitam æternā. & Ioan. 5. Amen amen dico vobis, quia qui verbum meum audit & credit ei qui misit me, habet vitā æternam, & in iudicium non venit, sed transiet à morte in vitam. Ecce magna & ingens promissio æternæ s. vitæ fit propter Christū, non est hic promissio de auro vel argento, aut de mundi pompis, sed de æterna vita & societate angelorū: multò igitur magis amplectenda est hæc vita æterna, quàm temporalis momentanea.

Z 3

Pleriq;

Plerique veteres solebant olim parietibus in sculpe-
re: considera æternitatem. Sic Apostolus ad Tit. 1. no-
minat se Apostolum Iesu Christi iuxta fidem electo-
rum, per quam habemus spem vitæ æternæ. & 1. The-
4. inquit, semper cum Domino erimus: his scripturæ
locis oportet dare fidē, & nullatenus dubitare, & sic
confirmatur fides huius articuli de vita æterna.

2. Secundò, quid sit vita æterna, nunc tractemus. Est
autem vita æterna cognitio Dei & Domini nostri Je-
su Christi, quæ hîc in fide & certissima spe in spiritu
incipit, & manifestabitur post hanc vitã in æterno gau-
dio & felicitate. Sic inquit Christus Ioan. 17. Hęc est
vita æterna, vt cognoscant te solum Deum verum, &
quem misisti Iesum Christum. per hanc agnitionem
qua agnosco Deum patrem omnipotentem, vt crea-
torem corporis & animæ, & datorem bonorum om-
niũ: deinde, qua agnosco Christum filiũ Dei vt meũ
redemptorem: postremò, quòd Deum Spiritum san-
ctum agnosco, vt meum sanctificatorem & illumi-
natorem: in tali igitur agnitione Dei incipio viuere
in spiritu & in fide, & in tali fide viuunt iustus, A-
bake 2 hîc in præsentem vsq; post hanc mortem, tunc in-
re apertè incipiet vita æterna in gaudio & felicitate
ex clariore intuitu & cognitione Dei. Nam summa
felicitas est atque erit, intueri Deum facie ad faciem.
Quòd si quis tantoperè delectatur, si viderit amœni-
simam picturã, vel audiat dulcem harmoniam: quan-
tò maior erit suauitas, intueri Deum, summum bo-
num, summũ pulchrum? Est igitur vita æterna aliud
nihil, nisi perpetua iustitia, perpetua sanitas, perpe-
tuum gaudiũ, perpetua delectatio, & satietas omniũ
rerũ, ita qd animus nihil ampliùs petat. Psal. 16. satia-
bor cum apparuerit gloria tua. Possumus quidẽ dice-
re quòd sit vita æterna, sed perfectè explicare quid sit
non possumus: nam dicitur Esai. 64. & 1. Cor. 2. quòd
oculus non viderit, nec auris audiuerit, nec in cogi-
tatione hominis